

朔州古鄯陽地爲雲中支郡
外連大漠背居延而面燕京右偏關而
左雁門襟山帶水四塞爲固固西北一
大扼塞也雍正三年



聖天子加意封疆以邊境寧謐軍丁久沐
王化爰裁衛所特置郡邑於是即右衛爲朔
平府轄一州四縣而朔州隸焉是年三
月余需次詮曹夏五選西川之梓潼令
至六月引

朔州志

序

見蒙

皇恩拔擢特授爲朔州牧于時銜

命單車就道以七月十八日抵朔受事至則

見其山川環繞土地平曠固居然上國

風也下車未幾取州志而披閱之乃知

州之有志創自前明州守李公邦直而

畢公鸞許公爾忠翁公應祥相繼增修

皆兢兢乎有憂深慮遠之思焉至我

朝順治庚子則有侯公樹屏於文獻荒殘

之餘特加修輯而後廢者復舉越康歷
壬子吾鄉方公喬又取而增益之則今
所存州志也歲久脫誤幾於魯魚亥豕
矣余不敏承乏茲土適當改隸之初徵
文考獻固司牧事也其何可以不文辭
且此數十年中建置之修廢戶口之登
耗貢賦之贏縮官師政教之隆替民風
士習之淳薄節義文章之盛衰日新月
異其所當記載者何窮州志之修又烏

可已哉是以每於因公出境足跡所至
觀風採俗弔古詢遺時時紀錄思欲摭
摭舊聞纂組時事勒成一書因與紳衿
數輩商共襄厥事僉曰歲儉賦逋經營
無力未遑是也而余自莅任後蒿目警
心皇皇焉振凋起弊撫字催科日不暇
給雖欲徵文考獻以纂修志乘亦付之
有志未逮而已夫事莫重於國賦民命
而治莫先於風俗人心朔地處邊陲土

瘠民媮而又漸于侈靡之習刁悍之風以故賦多積逋而俗鮮醇良我

皇上軫念民艱蠲租賜復重農勸墾之詔時下教訓正俗之條屢頒而

各上憲布宣德意協氣旁流數載以來時和年豐土地漸闢民業漸復十餘年之逋賦輸納恐後蓋

國計饒而民生足駸駸乎大異昔觀矣而且人文蔚起科目蟬聯鄉序太學彬彬

朔州志

序

三

稱盛下逮僻壤窮鄉被服

聖訓禮讓成風亦蒸蒸漸化其驍悍之氣余乃私心自喜曰倉廩實而知禮節衣食足而知榮辱州志之修其在斯時乎乃者

聖天子編集統志全書

詔直省纂輯通志檄行所屬郡邑各纂志乘而我郡憲劉公創修府志既成頒發州邑煌煌文獻一時人士目擊心動

然以增修州志爲請余既喜其成余宿志而平邑學博王介菴先生爲余齊年友適有署州學之役余因丐其編纂而州人士羣相引重有同心焉蓋府志之修君從事爲多而余昔在郡時又與訂有成言故也於是據紳士之請申詳各憲俱報可乃具書幣遣使者而禮聘焉而復招集儒生給筆札資廩餼以備校讎於是旁搜博採取古史及志並天

文輿圖文獻通考諸書詳加考訂擇其有關於朔者筆而錄之而因以刪緝舊志博采時事分類綜要規以大體盡其節目準府志爲十二綱目八十有六稿成屬余是正余以公餘披覽其間有補舊志所未備者圖考建置外志也有即舊志加詳者星野方輿職官名宦武備選舉藝文也有舊志分析而今歸並者祥異隸於星野沿革山川古蹟風俗隸

於方輿公廨學校祠祀隸於建置也
如戶口田賦物產舊志分而爲三茲則
統於賦役志而增以稅課而於圖考星
野方輿建置等目內又益以附見膾分
臚列依類以從蓋君之揆精摠思據事
屬詞者亦庶幾詳且核矣余謏劣無似
何敢侈談潤色之業顧君不以余弁鄙
互相商榷且以近今之人物藝文授余
評薦余何敢自逸乃悉心采擇除煩去

濫以求確當而於各體中亦間叅末議
以咸厥勞敢曰闡幽顯析微類備一方
龜鑑乎亦聊以畢吾初志云爾是役也
始於甲寅仲春閱三月而稿成以夏五
開雕告竣於乙卯季春於時分類編摩
者則有學正霍君連斗司訓郝君光銓
吏目朱子士顯而州屬之紳衿士庶叅
閱分校踴躍趨事不憚勞不惜費取懷
而予咸與有力焉而余因之有感矣前

明李公創修州志如草昧初開繼此若
畢若許若翁諸君子以次增修皆以盡
多弗振爲慮至我

朝侯公當亨屯之始方公值續修之際亦
惟是修舉廢墜增益時事而已其於振
民育德之事固未能暢然而滿志也余
以菲才代匱方且惴惴焉覆餗是懼而
尸素十載歷任獨深竊喜遭逢

盛世茹濟太和頻年雨暘時若休徵協應

朔州志

序

六

國賦裕而民生厚人心風俗返於醇良於
以備實錄而光志乘視諸君子有厚幸
焉余小臣謹拜手颺言以志一統之盛
云 皆

皇清雍正十三年歲在乙卯春三月上浣
賜同進士出身

授奉直大夫知山西朔平府朔州事加二
級紀錄四次楚江陵汪嗣聖撰



重纂朔州志序

朔之志纂於明正德己巳州牧李公邦直修於嘉靖辛卯畢公鸞萬曆戊申許公爾忠崇正甲戌翁公應祥重修於國朝順治己亥侯公樹屏康熙壬子方公叔裔就其文考其事論其世知其人李詞簡而義當其創焉者也翁承凋敝之餘侯當更新之始類有深思遠慮若畢若許若方皆因之者也而亦有淺深疎密

朔州志

序

一

之不同朔舊有志茲亦修也何以名纂曰制度數更規模全易故曰纂也創始於前繼起於後是謂重耳明以前無志乎曰莫可考已漢唐之代閱世皆久朔隸中國人文迭興何以無志曰朔古用武地也文事不多槩見何以驗之唐虞三代之世見於堯典止曰宅朔方見於周詩止曰城朔方而已春秋晉之北鄙狄人居之趙襄子破林胡樓煩攘地千

里用武也秦漢相繼擊匈奴日事征伐
用武也光武居烏桓於塞內曹魏自陜
嶺以北並棄於外晉封拓拔氏爲代公
居馬邑皆狄人也非尙文事者元魏孝
文思變國俗南遷於洛懷朔爲六鎮之
一居斯地者爲柔然尉遲越勒莫弗諸
部旣而六鎮皆叛羣雄竊據用武不暇
而遑文事哉北齊北周爲時無幾隋於
朔築大利城居突厥繼遭劉武周之亂

唐初屢征突厥後又居突厥降戶及沙
陀朱邪誰非用武者石晉割朔以賂契
丹趙宋固文治可觀而朔之隸宋前後
未及三載然亦用武不遑文事也自是
而金而元設官分治迄於百年其間豈
無文事蓋緣朔至有明地雖內屬虛無
人焉文獻無一存者及設衛置州募人
實邊非南來從征卽北方遷徙然猶外
患憑陵戎馬生郊雖尙文事大半用武

是以閱歷數世延至中葉而後有記載之書矣欽惟我

朝永清太定武功救寧文德誕敷禮樂文章之化徧於海隅迺者

聖天子允輔臣請纂一統志

勅直省督撫檄行郡縣各備志乘採入通志

繕冊進呈以昭

當代文明之盛

郡伯劉公創修朔平府志余官學博例當

朔州志

序

三

從事其間書成分布長吏屬員朔州

刺史汪公時同在郡覽之色喜顧余而

言曰州有舊志年遠紀畧藏之中心九

載於茲以簿書鞅掌欲修未遑先生肯

爲我贊成之乎余應之曰修廢舉墜郡

大夫職也叙述編次學博士事也卽不

文其何敢辭公歸至州余旋有署州學

之役公乃具書幣遣使聘余往集紳士

公所捐俸爲衆倡翕然相從以其事公

呈於州通詳。上憲報可。公遂適館。餐余卽計日舉事於癸丑仲冬。載生明。偕文學劉生煇。武庠馬生元。誦國學。生懋禮。冒雪衝寒。跋山涉川。先徧覽其形勝古蹟。寓於日而會於心。及望還至州。靜處一室。翻閱天文地理文獻通考。通鑑紀事廣治平畧諸書十餘部。於此有關於朔者。隨呵凍手錄以資參訂。臘後返平。學越次年甲寅春夏之間。兩詣

朔州志

序

四

朔三閱月分門別類。挨次纂編。星野因得天元曆理別本。方輿緣係朔州一處。專志較府志爲加詳。與夫建置之興廢。職官之新舊。賦役之增減。武備之添設。以及選舉外志等項。皆社稷民人文物。典章之所在。靡不憚乃心。竭乃力。原始要終。條分縷析。纖細不遺。絲毫不忽。期於詳悉而後已。設今有缺。後將無考。弗敢安也。至人物藝文二款。拾遺補漏。參

互考訂叙至舊志中已載論定者而止
其未經論定者屏絕往來謝却餽遺弗
敢私也間有投贈悉歸於州散及兩廣
文一贊府二孝廉諸君子與衆共之各
見其長弗敢專也卽余所編諸稿凡爲
綱者十有二爲目者八十有六成就正
汪公裁定公荆楚名宿與余爲同年友
余知之最稔學有原本主敬持靜溫文
爾雅制藝外博極羣書兼工詩詞翰墨

爲政和平子諒處事詳審凡余所編次
諸有不當意者悉心改正斟酌盡善俾
足以信今而傳後而余得附名冊末以
垂將來與有榮施矣是役也自前同余
採訪三人外經理則有七十老翁之國
學盧君彬辦事則有少年之武庠杜子
琦兼寫圖之文學蔚生懋義共六人皆
勤劬弗遑晝日三接者也若明經王君
祺生牛君耀德俱各有所司事而叅閱

較正則諸生張子錦蔚子懋中牛子僕
王子軒徵張子善化馬子符祥支子叔
南劉子承勲八人皆知文能書朔庠中
翹楚咸與有力焉而余更有進者志者
記載之書卽一州之史也朔當邊關內
外之間值

國家文治之會歷數十年而一修志風化
關焉勸懲寓焉世道人心係焉類欲其
清不欲其混記欲其詳不欲其畧事欲

朔州志

序

六

其實不欲其妄人欲其真不欲其僞倘
飾以虛詞圖爲美觀則識者且將議其
後矣敢乎哉至文之工拙義之當否余
非史官愧乏史才祇以偶爾來朔承汪
公托羣相推許分不容辭聊以畢吾責
焉耳敢自以爲是乎哉

皆

皇清雍正甲寅夏六月乙丑日

賜同進士出身前任湖南慈利令詳請

題補學博以教授管平魯縣儒學訓導事
署朔州學翼城王鶴撰



朔州志

序

七

朔州志

凡例

一纂志例

志者記載之書體與史異史有專官掌於王朝編年紀事所以垂法戒示勸懲也志爲外乘逮於郡邑徵文考獻不過輯見聞備記錄而已然彰往詔來據實直書儼然史氏法焉茲編援古徵今務求確當弗敢浮光掠影虛妄貽譏

一州志例

朔州志

凡例

州志與省志府志義例雖同體格微異省志府志俱有統轄提綱絜領勿致疎漏可矣太多則繁州志止於一處地方事宜今昔殊軌悉宜登載以資考証太少則簡茲編凡人與事有關地方者博採廣搜雖微必載不敢遺也

一綱目例

凡書有綱有目易於參閱綱目不分則混淆無紀覽者病焉嘗見他志有散列數十款者殊無倫次茲編立綱一十有二而各以其目附於綱之下庶序次不

紊按部可稽也

一圖考例

志有圖有籍籍以記事圖以象形兩相須也嘗見他志圖考有總列於籍前者開卷卽見而後難較閱苦其脫離有分列於籍中者便於觀覽而前未開明究不分曉茲編於天文圖冠星野志地理諸圖冠方輿志邊城諸圖冠建置志而總冠一圖考志於冊首先詳序其目後分列於卷庶按圖考籍得以不紊云

一星野例

朔州志

凡例

二

考歷代星家俱以天十二辰次配十二國野所言度數或多或少不無差別然天道微而難測自非素精其術何敢妄爲置議顧兩儀一氣三才一理氣固相通理實不易嘗觀史策所載占候之驗節氣之應歷歷不爽則天道又顯而可見也茲編謹按星書談理精當者備錄於篇以俟明哲者辨之。作志家每以祥異一項另分卷表易曰天垂象見吉凶聖人象之誠以休咎應乎天文得失雖微罔不昭著則是災祥但驗於象緯星纏已可知也至於物類之異皆陰陽

五行乖沴之氣未有物異於下而天不變於上者理實一貫非由強合故隸祥異於星野之內不復別爲卷帙云

一方輿例

朔爲古冀北域地其方輿之大小廣狹今昔殊制而其爲朔州則一也考往古以明沿革接近今以正疆域道路關塞經界攸分山川形勝風景斯存巡幸多因邊警而至風俗亦由地氣使然至於古蹟地以人傳人以地著皆爲志所必載隸之方輿以類相從也

朔州志

凡例

三

一建置例

建置之名昉於周禮惟王建國之制而行之也設險守國城池爲重命官分職公廨次之講學明倫學校爲先春祈秋報祠祀次之至倉有積貯坊以旌表賑卹濟貧村庄經野以及置郵傳命除道成梁均爲建置所必及若夫過墟生哀過墓則式則冢墓存亡亦關建置併志之庶免挂漏也

一職官例

朔自明初設衛置州文武分司衛官多世襲兼有經

歷文職州官有州判兼有城守武職至於中葉駐劄
總督兵道通判復有倉驛草場等官員弁紛繁迨我
國初併衛歸州裁畱改設官制屢更分晰不清易於混
淆茲編別衛管等官於武備志而於文職等官復以
裁缺見設前後分載庶新舊各別大小不遺觀者可
一目了然云

一名宦例

朔祀名宦自元魏司馬楚之始迄於

國朝楊逵共廿四人歷覽諸史及州舊乘官斯土者勘定安

朔州志

凡例

四

集撫綏教化豐功偉績尙有其人而皆未與祀典豈
文德武功恩威異施有感有不感耶抑或曾列睿宗
兵火湮沒不傳有不傳耶茲編於載入祀典者列爲
名宦於未載祀典者附紀宦績以俟公論舉行焉
一賦役例

有田則有租有身則有庸田列三等戶分九則古制
也朔州地居邊界世被外患其自明季迄於

國初兩遭兵燹丁旣逃絕地亦拋荒什亡八九平定之
後招集開墾悉非其舊厥後併衛歸州簿籍散亂